



**Future-proofing  
our children**

**Tlhomamiso 1**

**Setlhogo: O itshephise letsatsi la Sabata – Molao wa boraro**

**Mokaedi wa batsadi**  
Sekolo sa Tshipi ithutelo lapeng



## Go Motsadi

O amogelesegile mo **O itshephise letsatsi la Sabata – Molao wa boraro** thuto ya Tlhomamiso 1.

Mokwalo o o go fa thutuntsho e potlana gore o ka ruta jang thuto e.

O ka ipaakanya le go ruta thuto e jang

Fa tlase ke maele a go ipaakanya le go ruta thuto e::

Kgato	Tiriso
1	<p>Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp:</p> <p><a href="https://bit.ly/3NACSSHS">https://bit.ly/3NACSSHS</a></p>
2	<p>Kgobokanya di dirisiwa tse di latelang go netefatsa fa o ipaakanyeditse thuto e:</p> <ul style="list-style-type: none"> <li>• Baebele</li> <li>• Mokwalo wa thuto wa PDF o o setseng o baakantswe.</li> <li>• Pena le lekwalo la ngwana, etc.</li> <li>• Setshwantsho sa motshikhinyego se se leng thuso e nngwe</li> <li>• Katakasima le Dipotso le dikgarabo (bogolo jang mo batlhomamisiweng)</li> </ul> <p><b>Ela tlhoko:</b></p> <p>2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tsewedisa lenaneo.</p> <p>2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45</i> .</p> <p>2.3: Thuto e lebaganye (Batlhomamisiwa 1).</p> <p>2.4: O ka kopa thuso mo morutabana wa gago wa batlhomamisiwa fa o tlhoka thuso.</p>
3	<p>Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.</p>



## Go ruta thuto ya batlhomamisiwa mo lapeng

O ka ipaakanya le go ruta thuto e jang

Re tswelera ka go abalana maele a go ipaakanya le go ruta thuto e:

Kgato	Tiriso
4	Dira seemo se se siameng, se se senang dikgoreletsi se wena le bana/ngwana le leng fa go tshwanang. <b>Sekai:</b> Nnang mo tafoleng.
5	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka.
6	Kwala dintlha tse o batlang go di gakologelwa.
7	Tlhaloganya maikaelelo a thuto a e leng gore ngwana wa gago o tshwanetse go a gakologelwa.
8	Ruta ngwana wa gago thuto.
9	Supegetsa ngwana wa gago setshwantso sa motshikinyego mme o soboke molaetsa.
10	Laela ngwana go dira tekeletso e mo lokwalong la gagwe la ikatiso (Le nna ke batla go.....)
11	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa 1.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng



## Thuto

<b>Setlhogo</b>	O Itshephise letsatsi la Sabata – Molaowa boraro
<b>Maikaelelo a thuto</b>	Batlhomamisiwa ba ithute go itshephisa letsatsi la Sabata. Ba ithute go ipaakanyetsa tirelo nngwe le nngwe le maduo a go itshephisa letsatsi la Sabata.
<b>Temana ya Baebela</b>	Ditemana di mmalwa jaaka go supywa fa tlase.

### Tshoboko ya thuto:

Mo thutong e re tlaa tlhalosa molao wa boraro: ***Gakologelwa letsatsi la Sabata o le itshephise***. Re ithuta gore go raya eng go itshephisa letsatsi la Sabata. Re kopiwa go akanya ka dilo tse re di dirang ka letsatsi la Tshipi? Re ipaakanyetsa tirelo jang? Re baakanya mewa ya rona jang?

#### ***Gakologelwa letsatsi la Sabata o le itshephise. (Exodus 20: 6-11)***

Molao o o re kgotlhatsa go beela letsatsi le le lengwe fela mo bekeng ka fa tlhoko:

- Go rorisa Modimo,
- Re lebogele se Modimo a se re diretseng le se a se dirang (Ditiro tsa poloko),
- occupy ourselves with God's word.

#### ***“Sabata” – Letsatsi la Morena***

Sabata ke letsatsi la bosupa mo bekeng ya Bajuta. Modimo o ne wa ikhutsa ka letsatsi la bosupa fa a sena go dira lefatshe, mme a le itshephisa. Se se raya gore Modimo ga ka a tsaya letsatsi le e le la go ikhutsa fela, o ne a batla gore le itshephisiwe. Letsatsi le la boikhutso le diretswe gore re gopole bontle jo Modimo a bo dirileng fa a bopa dilo (Psalm 92: 1-5).

Mo kgolaganong e kgologolo, letsatsi le le ne la gakologelwa gape e le letsatsi le Modimo a golotseng Baiseraela ko Egepeto ka lone.

Mo Bakereseteng, Sabata ke letsatsi la Tshipi. Jeso o ne a tsoga ka letsatsi la Tshipi. Bakeresete ba lebelela letsatsi la Tshipi e le le itshephileng.

#### ***“Go le Itshephisa”***

Ka nako ya kgolaganano e kgologolo, Modimo a fa batho Sabata e le mpho. E ne e le letsatsi le batho ba tshwanetseng go ikhutsa mme ba rapela Modimo basa kgoreletswe ke sepe. Go itshephisa letsatsi la Sabata go raya go nna le tirelo ya go iketsha setlhabelo (Numbers 28:9-10) mme ba tlogele ditiro tsa bone le ditshebo.

Mo kgolaganong e ntsha, Jeso o ne a ya ko disinagogong (Mafelo a Thapelo a Bajuta) ka letsatsi la Sabata. Jeso o ne gape a fodisa balwetse ka Sabata. (Luke 6:6-11) Bakwaledi ka dinako tseo, ba ne ba re fa Jeso a fodisa batho ke, “Tiro”. A Jeso o ne a tlola molao? Jeso o ne a ba tlhalosetsa gore fa o direla yo mongwe bontle go a letlelelwa le ka Sabata.



### ***Re baya jang letsatsi la Sabata le itshephile?***

Letsatsi la Tshipi e tshwanetse go nna letsatsi la go ikhutsa le la go ipela ga mowa.

Re itshephisa letsatsi la Sabata ka go:

- Go galaletsa Modimo mo tirelong
- Go anyway lefoko la gagwe ka tumelo (Se se raya go dumela le go diragatsa lefoko le re le utlwang mo tirelong)
- Fa dibe tsa rona di itshwarelwa
- Go amogela mmele le madi a ga Jeso ka boitekanelo

Ba bas a kgonang go ya tirelong ba ka itshephisa letsatsi la Sabata ka go ikgolaganya le phuthogo ka Thapelo. Se se akaretsa b aba theogetseng, balwetse, bagodi le bana le bogole.

### ***Ke dire eng ka letsatsi la Tshipi?***

- Letsatsi la Tshipi le bothokwa thata mo go rona.
- Tirelo ke nako e bothokwa thata mo go rona.
- Re batla go le itshephisa
- Se re se dirang ka Tshipi ke boikarabelo jwa rona.
- Ipotse: Se ke se dirang ka nako ya me ka Tshipi – a se tshwanetse go dirwa ka letsatsi le e leng la Morena?

### ***Ke dira jang go (intlafatsa) ipaakanya le go baakanya mowa wa me go ya tirelong?***

- Tshipi ke letsatsi la Tshegofatso go tswa Modimong.
- Go amogela Tshegofatso e le masego, re tshwanetse go ipaakanya.
- Se se raya gore maitsebowa le phakela pele ga tirelo re ipaakanyetsa letsatsi le.
- Re ka bala dikwalo tse, Community, Baebele, Katakasima, re reetse difela tsa kereke ya rona; re akanye ka maitsholo a rona mo bekeng e e fetileng – se se bosula se re se dirileng – re ka itokafatsa jang, go nna ngwana wa Modimo yo o botoka, re rapele.
- Fa re ipaakantse, tirelo le letsatsi la Tshipi di nna le mosola mo go rona.

### ***Modimo o batla go re ntlafatsa.***

- Tirelo nngwe le nngwe e boitshepho ka gore Modimo o a bo a le teng
- Modimo o re ntlafatsa ka
  - o Lefoko mo tirelong
  - o Boitshwarelo jwa dibe
  - o Selalelo se se boitshepho le
  - o Tshegofatso ya gagwe – Thapelo pele ga re opela Amen
- Mo tirelong Modimo o a re ntlafatsa go re baakanyetsa isago ya rona

*“Jaanong a Modimo wa kagiso a le ntlafatse gotlhelele; mme moya wag ago le mmele o babalelwe o sena selabe go fitlheng Jeso a tlat” (1 Thessalonians 5: 23).*



## Thuto e e raya eng mo go rona tsatsi jeno?

- Sabata, letsatsi la Tshipi mo bakereseteng, ke letsatsi le Morena.
- Ke tsatsi la boikhutso mme le abetswe Morena.
- Re itshephisa letsatsi la Sabata ka go ya tirelong le ka boitsholo jwa rona, ka tsela e nngwe boitsholo jwa rona mo letsatsing le.
- Re intlafaletsa tirelo mme mo tirelong Modimo o a re ntlafatsa.

## Dipotso tse re ka di botsang:

### 1. A Sabata le letsatsi la Tshipi di a tshwana?

Go ya ka tumelo ya Bajuta, Sabata ke letsatsi la Matlhatso. Modimo o ne wa ikhutsa ka letsatsi la bosupa mme a le itshephisa. Letsatsi le le seegetswe fa tlhoko go gakologelwa tiro ya Modimo ya popo le go golola Baiseraela ko Egepeto. Mo Bajuteng, letsatsi le ke la Matlhatso.

Mo Bakereseteng, Sabata ke letsatsi la Tshipi. Jeso o tsogile ka letsatsi le la Tshipi. Fa Bakeresete ba itshephisa letsatsi le ba gakologelwa go tsoga ga ga Jeso le go gakologelwa Paseka.

Ka jalo Sabata (mo Bakereseteng le Bajuta) ke letsatsi la boikhutso le le boitshepho. Le fa go ntse jalo, Bajuta ba ipelela Sabata ka Matlhatso mme Bakeresete bone ka letsatsi la Tshipi.

### 2. Re utlwa lefoko “boitshepho” ka nako tsotlhe. Le raya eng?

Le raya go ikgapha mo go tsa lefatshe le tiro tsa malatsi otlhe; go raya go seegela Modimo.

### 3. Tshegofatso ke eng?

Tshegofatso ke masego a re a amogelang mo Modimong nako le nako fa tirelo e fela pele ga re opela Amen: ke mafoko a:

“Tshegofatso ya Morena wa rona Jeso Keresete, lerato la Modimo, le kabelano ya Moya o o Boitshepho di nne le lona lotlhe” 2 Corinthians 13: 14






**Thapelo ya ga mme le rre go e rapela pele ga thuto:**

*Modimo o rategang, ke lebogela letsasti le*

*Segofatsa batsadi le bana botlhe*

*Mma re ikutlwele boleng teng jwa gago*

*Segofatsa thuto e re yang go e amogela*

*Re kopa o re rute go go direla*


*Re thuse go dira thato ya gago*

*Gore re golele gaufi le wena*

*Romela Jeso go tla go re tsaya*

*Mme re bo re ipaakanyeditse go mo kgatlhantsha*

Amen

 Notes